

唐語林

一

唐

譜

林

庚申冬月上海商務

印書館活字版精印

欽定四庫全書提要

臣等謹案唐語林八卷宋王讜撰陳振孫書錄解題云長安王讜正甫以唐小說五十家做世說分門三十五又益十七門爲五十二門晁公武郡齋讀書志云未詳撰人效世說體分門記唐世名言新增嗜好等十七門餘皆仍舊馬端臨經籍考引陳氏之言入小說家又引晁氏之言入雜家兩門互見實一書也惟陳氏作八卷晁氏作十卷其數不合然陳氏又云館閣書目十一卷闕記事以下十五門另一本亦止八卷而門目皆不闕蓋傳寫分併故兩本不同耳讜之名不見史傳考書中裴佶一條佶字空格注云御名宋惟徽宗諱佶則讜爲崇寧大觀閒人矣是書雖做世說而所紀典章故實嘉言懿行多與正史相發明視劉義慶之專尙清談者不同且所采諸書存者已少其哀

集之功尤不可沒惜其刊本久佚故明謝肇淛五雜俎引楊慎語謂語林罕傳人亦鮮知惟

武英殿書庫所藏有明嘉靖初桐城齊之鸞所刻殘本分爲上下二卷自德行至賢媛止十八門前有之鸞自序稱所得非善本其字畫漫漶篇次錯亂幾不可讀今以永樂大典所載參互校訂刪其重複增多四百餘條又得原序目一篇載所采書名及門類總目當日體例尙可考見其梗槩蓋明初全書猶存也惟是永樂大典各條散於逐韻之下其本來門目難以臆求謹略以時代爲次補於刻本之後無時代者又後之共爲四卷又刻本上下二卷篇頁過繁今每卷各析爲二仍爲八卷以還其舊此書久無校本訛脫甚衆文義往往難通謹取新舊唐書及諸家說部一一詳爲勘正其必不可知者則姑仍原本庶不失闕

疑之義焉乾隆四十年五月恭校上

總纂官庶子臣陸錫熊

侍讀臣紀昀

纂修官庶吉士臣汪如藻

唐語林原序目

國史補

補國史

因話錄

談賓錄

齊集

幽閒鼓吹

尚書故實

松窗錄

廬陵官下記

次柳氏舊聞

桂苑談叢

紀聞談

東觀奏記

貞陵遺事

續貞陵遺事

常侍言旨

傳載

雲溪友議

開天傳信記

戎幕閒談

明皇雜錄

異聞集

大唐說纂

刊誤

盧氏雜說

劇談錄

玉泉筆端

金華子雜編

皮氏見聞

大唐新語

劉公嘉話

羯鼓錄

芝田錄

資暇集

杜陽雜編

本事詩

玉堂閒話

中朝故事

北夢瑣言

唐會要

柳氏叙訓

魏鄭公故事

國朝傳記

會昌解頤

洛中記異

乾牒子



聞奇錄

賈氏談錄

虬鬚客傳

封氏聞見記

案王讜采五十家小說成書而永樂大典

所載原書名目自國史補至賈氏談錄凡四十八家文獻通考及唐宋史志皆著於錄惟齊集一種無考疑有脫誤又書中多引封演聞見記而虬鬚客傳一篇全載原文似所闕即此二家今為補入以還五十家之舊

右小說五十家正甫取其尤要者編之分為五十二門具目錄於

後

德行

言語

政事

文學

方正

雅量

識鑒

賞譽

品藻

箴規

夙慧

豪爽

容止

自新

企羨

傷逝

栖逸

賢媛

術解

巧藝

寵禮

任誕

簡傲

排調

輕詆

假譎

黜免

儉嗇

侈汰

忿狷

讒險

尤悔

紕漏

惑溺

仇隙

嗜好

俚俗

記事

任察

諛佞

威望

忠義

慰悅

汲引

委屬

砭談

僭亂

動植

書畫

雜物

殘忍

計策

右正甫集五十家之說分爲五十二門其上三十五門出世說下十七門正甫所續總號唐語林云

唐語林目錄

卷一

德行

言語

政事上

卷二

政事下

文學

卷三

方正

雅量

識鑑

賞譽

品藻

規箴

夙慧

卷四

容止

豪爽

容止

自新

企羨

傷逝

栖逸

賢媛

卷五

補遺

起高祖至代宗

卷六

補遺

起德宗至文宗

卷七

補遺

起武宗至昭宗

卷八

補遺

無時代

唐語林卷一 四庫全書原本

宋王讜撰

金山錢熙祚錫之校

德行

文中子隋末隱於白牛谿著王氏六經北面受學者皆時偉人國初多居佐命之列自貞觀後三百年閒號稱至治而王氏六經卒不傳至元和初劉禹錫撰宣州觀察使王贊碑盛稱文中子能昭明王道以大中立言游其門者皆天下俊傑自餘士大夫擬議及史冊未有言文中子者

姚崇每與兒孫會集曰外甥自非疏但別姓耳遣與兒姪連名元宗重午日賜丞相鍾乳宋璟命子弟將此付醫人合鍊對曰上之所賜必當珍異付其家必遭竊換璟曰持誠示信尙懼見猜以猜示人其可得乎爾勿以此待人

開元天寶之閒傳家法者崔巧之家學崔均之家法

元宗諸王友愛特甚常思作長枕大被與同起臥諸王或有疾上輒轉終日不能食左右開喻進膳上曰弟兄吾之手足手足不理吾身廢矣何暇更思寢食上於東都起五王宅又於上都創花萼樓益與諸王會聚或講經義賦詩飲酒歡笑戲謔未嘗猜忌

肅宗在東宮爲林甫所構勢幾危者數矣鬢髮班白入朝上見之惻然曰汝歸院吾當幸及上到宮中庭宇不洒掃而樂器屏棄塵埃積其上左右使令亦無妓女上爲之動色顧謂力士曰太子居處如此將軍盍使我知乎

上在禁中不呼力士名呼爲將軍

力士奏曰臣嘗欲言太子不許

云無勤上念乃詔力士令京兆尹亟選人閒女子頤長潔白五人將以賜太子力士趨出庭下復奏曰臣宣旨京兆尹閱女子人閒囂然而朝廷好言事者得以爲口實臣伏見掖庭中故衣冠以事沒入其

家者宜可備選上大悅使力士詔掖庭令按籍閱視得五人以賜太子而章敬吳皇后在選中後生代宗皇帝

肅宗爲太子嘗侍膳尙食置熟俎有羊臂臠上顧太子使太子割肅宗旣割餘汚漫刃以餅潔之上熟視不懌肅宗徐舉餅噉之上大悅謂太子曰福當如是愛惜

元宗西幸車駕將自延秋門出楊國忠請由左藏庫西上從之望見千餘人持火以俟駕上駐蹕曰何用此國忠對曰請焚庫積無爲盜守上斂容曰盜至若不得此必厚斂于人不如與之無重困吾民也命徹火炬而後行聞者皆感激流涕迭相語曰吾君愛人如是福未艾也雖太王去幽何以過于此也

元宗西幸歸入斜谷天尙早烟霧甚晦頓使給事中封綢於野中得新熟酒一壺跪獻于馬首數四上不爲之舉倜懼乃注以他器自引



一滿於上前上曰卿以我爲疑耶始吾卽位之初嘗飲大醉損一人  
吾悼之因以爲戒迨今四十餘年未嘗甘酒味指力士及近侍者曰  
此皆知之非給卿也

天寶中有一書生旅次宋州時李汧公勉年少貧苦與此書生同店  
而不旬日書生疾作遂至不救臨絕語公曰某家住洪州將於北都  
求官於此得疾且死其命也因出囊金百兩遺公曰某之僕使無知  
有此足下爲我畢死事餘金奉之李公許爲辦事及禮畢置金於墓  
中而同葬焉後數年公尉開封書生兄弟齋洪州牒來累路尋生行  
止至宋州知李爲主喪事專詣開封請金之所在公請假至墓所出  
金以付焉

德宗初卽位深尙禮法諒闇中召朝士食馬齒羹不設鹽酪皇姨有  
寡居者時節入宮妝飾稍過上見之極不悅異日如禮乃加敬焉